

Prepoznavši zajednički interes i iskazanu spremnost da svojim aktivnostima u okviru nadležnosti i sfera interesovanja doprinesu kvalitetnijem ostvarivanju interesa svojih organizacija, članova i šire zajednice, te poboljšavanju poslovnog ambijenta i životnog standarda građana-potrošača,

Udruženje poslodavaca Federacije BiH
(u daljem tekstu: Udruženje)



Centri civilnih inicijativa
(u daljem tekstu: CCI)



na temelju međusobnog iskazanog povjerenja zaključuju ovaj:

MEMORANDUM O SARADNJI

I

Potpisnice Memoranduma, polazeći od svojih nadležnosti i polja djelovanja utvrđenih međunarodnim i domaćim propisima, standardima, zakonima, internim i drugim aktima, konstatuju da postoji obostrani interes za saradnju i mogući zajednički nastup prema javnosti, donosiocima odluka i ostalim trećim licima, a sve u cilju ostvarivanja interesa organizacija, članica i šire zajednice, uključujući sve građane Bosne i Hercegovine.

II

Ciljevi saradnje su:

- poboljšavanje poslovnog ambijenta u FBiH;
- organizovaniji nastup i jačanje pozicija prema organima zakonodavne i izvršne vlasti i drugim donosiocima odluka u BiH;
- jačanje konkurentnosti poslovnih subjekata u zemlji i inostranstvu;
- povećanje broja radnih mjesta i broja zaposlenih osoba;
- racionalizacija javne potrošnje i efikasnost javne uprave;
- transparentne javne politke i odgovorno upravljanje;
- depolitizacija upravljanja javnim preduzećima i javnom upravom;

III

Predmet saradnje je poslovni ambijent u FBiH, zakonska regulativa, promocija aktivnosti, saradnja sa domaćim i međunarodnim institucijama i organizacijama, a naročito sljedeće oblasti:

- izrada zajedničkih projekata;
- kampanje javnog zagovaranja za poboljšanje javnih politika;
- obostrano stavljanje na raspolaganje stručnih i profesionalnih kapaciteta;
- razmjena informacija;
- racionalno korištenje vlastitih kadrovskih, stručnih i tehničkih potencijala;
- podrška poduzetništvu;
- zajednički i usaglašeni medijski istupi;

IV

Potpisnice Memoranduma će svojim programima aktivnosti utvrditi precizne modalitete saradnje i afirmisati ovaj Memorandum, te upoznati članove i ostale zainteresovane subjekte o mogućnostima korištenja potencijala Udruženja i CCI-a.

V

Ključni zakoni koji se donose ili su u pripremi, bilo da su opšteg ili sektorskog karaktera biće inicirani i razmatrani u odgovarajućoj proceduri koju dogovore predstavnici Udruženja i CCI-a, uključujući i medijsku prezentaciju.

Potpisnice Memoranduma će po potrebi organizovati zajedničke stručne grupe koje će usaglašavati stavove i prijedloge na zakone i podzakonske akte.

VI

Kada su predmet saradnje parafiskalni nameti, pravna pitanja, oblast rada i socijalne politike, sistemska pitanja od interesa za članove potpisnica Memoranduma, saradnja i zauzimanje stavova organizuje se putem nadležnih organa potpisnica memoranduma. Zauzeti stavovi kao zajednički prezentiraju se nadležnim organima izvršne i zakonodavne vlasti Federacije BiH, ali i viših i nižih nivoa vlasti.

VII

Potpisnice memoranduma su saglasne da predstavnici Udruženja i CCI-a odlučuju o zajedničkom učešću u domaćim i međunarodnim programima, projektima, zajedničkom medijskom nastupu po određenim pitanjima, te zajedničkim bazama podataka.

Potpisnice Memoranduma će na osnovu inicijativa svojih članova zajednički pripremiti odgovarajuće analize djelovanja zakona i mjera, dogovoriti način pripreme odgovarajućih studija i slično.

VIII

Putem svojih organa i stručnih službi, potpisnice Memoranduma će obezbijediti stručni i administrativni rad za pripremu i realizaciju aktivnosti utvrđenih programima rada.

IX

U skladu sa programiranim aktivnostima potpisnica Memoranduma, za pojedine aktivnosti, koje iziskuju značajnija materijalna sredstva, ugovorno će se regulisati način i oblik finansiranja poslovne saradnje.

X

Ovaj sporazum je zaključen na neodređeno vrijeme, a primjenjuje se danom potpisivanja, počevši od dana 01.12.2014. godine.

U Sarajevu, 01.12.2014. godine

Za Udruženje poslodavaca FBiH

Za Centre civilnih inicijativa
